

訂校

槐山女國語

卷貳

138
5
81

館書圖京東				
五冊	號	九架	三七函	和書門

明治十八年十月九日內務省附付

魏安國語卷二

龍寶開山語錄中事

住大德語要



七月旦上堂僧問落梧一葉天下報秋箇中端的若
為相酬師云釋迦彌勒退後三千進云今日方知眉
毛橫眼上口稜在鼻下師云認驢鞍橋作阿爺下領
進云記得雲門上堂云一言纔舉千差同轍該括微
塵猶是化門之說若是衲僧合作麼生意在那裏師
云擔水河頭賣進云若將祖意佛意這裏商量曹溪
一路平沈還有人道得麼道得底出來意旨作麼生
師云河裏失錢河裏攬進云時有僧問如何是超佛

越祖之談門云餽餅如何辨端的師云胡孫擊露柱
進云僧云這箇有什麼交涉門云酌然有什麼交涉
此意如何師云和賊納款進云古人底且置不容祖
意佛意乞師指出曹溪一路師云壁立萬仞進云既
放下佛祖猶是爭奈用六祖何師云且去圓前語進
云不因天目近爭識斗牛寒師云噫

乃云暑氣未去嫩涼初生 ○睡美不知山雨過覺來

殿閣自生涼

秋意味淡白雲清淡 ○七佛已前四時

春現成公案如今日

德山臨濟為甚平地喫咬 ○握

左手搔佛首即非無展右手觸狗頭何日免得

會麼

良久云蕪武持漢節而歸 ○握左手咬中指

○握左手咬中指

解夏小參僧問聖制已圓秋風滿面正與麼時如何
履踐師云何不別問僧云恁麼則有意氣時添意氣
不風流處也風流師云南海波斯鼻孔麤僧云記得
三聖問雪峰透網金鱗以何為食意旨如何師云到
即不點僧云峰云待汝出網來向汝道又作麼生師
云點即不到僧云聖云一千五百人善知識話頭也
不識意在那裏師云無限村僧摸之為則僧云峰云
老僧住持事繁如何委悉師云鳩羽落水魚皆死僧
云若有人問透網金鱗以何為食未審和尚作麼生

祇對師云呂望權任公糖僧云恁麼則學人今日小
出大遇便禮拜師云誣人即得

乃云四月十五一衆無端 ○是凡乎是聖乎 投入牛

角 ○錯 東西不辨 ○果然 南北不分 ○點 七月十五

諸人快活解開布袋 ○有甚長處 脚頭脚底 ○泥濘

三尺 通霄有路 ○他是具神通應供蝦跳不出斗 萬

里無寸草 ○那一莖大碍塞殺人 抖擻多年穿破衲

○粘骨著皮 出門便是草 ○勝門內淡 襤褸一半逐

雲飛 ○天網疎而不漏 有佛處不得住舜無卓錫地

○不臨難不見忠臣志 無佛處急走過禹無十戶聚

○不臨財不知義士心 直得把住放行觸處現前 ○

勘破了也 擡榻褒貶隨物作主 ○勘破了也 正與麼

時龍寶別有賞勞在擊拂子云西風一陣來落葉兩

三片 ○伏惟堂頭和尚萬福

復舉五祖演和尚云 ○千將雖利不得人力則不能

自斷 牛過窻櫺 ○積羽沈舟 頭角四蹄全出 ○群輕

折軸 尾巴為甚出不得 ○五祖只愛其不出底不愛

其出底何故尋常一樣窻前月纔有梅花便不同 師

拈云五祖老子只見其出底不見其不出底 ○把針

失去却線公輸無所措其斧斤離婁為之失明 何故何

官無私何水無魚 ○以一縷之任係千鈞之重

次日上堂僧問三月安居羚羊掛角九夏自恣猛虎出林正與麼時如何得不欺去師云付與甚人僧云洞山云兄弟初秋夏末直須向萬里無寸草處去意旨作麼生師云餓狗嚙枯骸僧云石霜云何不道出門便是草又作麼生師云把髻投衙僧云洞山聞云大唐國裏能有幾人意在那裏師云也須遭人點檢僧云古德垂示且置和尚如何教人去師云下坡不走快便難逢僧云青山綠水草鞋底明月清風拄杖頭師云錯

乃云會則途中受用 ○蛟龍得雲雨終非池中物移

身不移步 ○井見驢 不會則世諦流布 ○跛鼈盲龜

入空谷 移步不移身 ○驢見井 即便恁麼去未到山

僧行履處 ○養子方知父慈 何也雨來層翠消殘暑

風過林頭滿院涼 ○豈步亦步走亦走

謝兩班侍者上堂登山須倚杖渡海須上船 ○建廣

厦必先擇工匠發三軍必先拜良將 若要扶豎法門

○法門何日有推倒 必須得有班序之禡溫柔一手

擡剛硬兩拳搦始得 ○進賢而廢不肖君之明也明

君知臣明父知子 既得其人後亦作麼生 ○綱目正

法令嚴リ良久云獻佛不在香多ニ ○波斯說夢入市中談笑座中竊置ニ鳩毒ヲ

上堂橫拄杖云山僧昨夜三更入瞌睡三昧ニ ○醉後

郎當愁殺ス人ヲ者箇拄杖子趨前言曰ク ○破木椽有什

麼長處拗折為洗足湯下薪去ニ某甲會些子禪ヲ ○有

會處急須吐却家無ニ白澤圖有如此妖怪ト要且來日

初一說テ一句子布施諸人去ニ ○殘羹餽飯狗亦不顧

伏望和尚慈悲莫奪此願以為幸ト ○伏望和尚大慈

大悲逼折レ眼ヲ向火爐頭ニ山僧云也何妨你作麼生說

○隨波逐浪 拄杖子云八月一日天中節 ○日日

是好日說ク什麼天中節ト赤口白舌隨時滅ス ○是什麼

熱椀鳴聲ト山僧云阿你實好知言ト ○厚面皮老漢瞞

入レ不レ少ク只以此一句子ヲ ○當什麼真皮襪ト食輪法輪

並轉ス ○遲八刻威音已前轉得了也 佛道祖道共昌ニ

他便禮拜去ニ ○勘破了也 諸人且道喚作山僧說即

是喚作拄杖子說即チ是ト ○握左手咬中指ト若作拄杖

子說山僧今朝說ク ○以指喻指之非指ト若作山僧說

拄杖子昨夜說ク ○不若以非指譬指之非指也ト若能

定當雲歸碧洞露滴蘭蓂ト ○此老漢唯解見前不解

顧後唯慣得便宜不知落便宜何故指其如未然卓

拄杖一下

中秋上堂尋常驚恠禪和家

○多是牀窄先臥粥薄

後坐此外有什麼長處豈足驚恠

及乎到中秋節卜

浮雲於陰晴強貪觀天上月

○衆生顛倒迷己逐物

問著其中吟眸句

○寄語諸仁者休札札作詩迷人

語誰取

十箇有五雙

○千箇亦然

便道月皎夜星稀

○書安胡餅上與狗狗不喫

是惟才陞龍寶堂也未

得入龍寶室

○勘破了也

何故滿船明月一竿竹家

在五湖歸去來

○啗藕嚼藕嚼

上堂去聖時遙

○試言聖甚處去他終不去來無謗

釋迦老子好

人多懈怠

○再犯不容

逆則生嗔順則

生愛

○不塗紅粉自風流

且道作麼生是無懈怠無

嗔愛處

○直下卽是盡大地終不見一箇有嗔懈怠底

嶺上白雲巖前綠水

○金屑眼中翳衣珠法上塵

重九上堂一句新

○莫捨舊好新

汾陽一句

又重新

○舊是新之終

靖節相逢不相識

○莫愛少

嫌老

重陽九日菊花新

○少是老之始

開爐上堂僧問法昌今日開爐行脚僧無一箇聚泥

像而說法山川改觀還莫恠力亂神麼師云一點水

墨兩處作龍進云丹霞燒木佛有什麼憑據師云趙

州東院西進云龍寶今朝開爐不聚泥像不燒木佛
行脚僧有幾箇師云普夫普地進云轉凡夫為賢聖
抑賢聖為凡夫則不無和尚離者二途請師端的師
云將知不圓前話進云瀉山向火次問仰山終日向
火因甚無暖氣仰作向火勢瀉云子只得物體能所
未在意旨作麼生師云要家醜揚外進云仰云某甲
只如此和尚作麼生瀉亦作向火勢仰云和尚只得
物體能所未在瀉云如是如是如何甄別去也師云
錯墮此機進云舉世盡言父子唱和兩口無一舌師
云龍象蹴踏非驢所堪進云若有人問終日向火因

甚無暖氣和尚對他作麼生道師云炙手助熱進云
和尚與古人莫止一般也無師云大海若知足百川
應倒流進云與麼則三冬古木花九夏寒巖雪師云
生薑終不改辣進云覓火和烟得擔泉帶月歸便禮
拜師云叱

乃云人人有箇火種

○人性上不可添一物若有須

吹滅

只是深埋冷灰

○何也所謂火種者既是深埋

冷灰將其類芋栗者歟

用之不得

○我者裡不要者

般奇怪物

今朝風頭稍硬且為諸人撥起

○且請束

之高閣誰家竈裏火無烟

以拄杖畫一畫云會與不

會各各歸煖處商量。○若有箇漢向一畫以前掩耳
出去，七尺拄杖無隱身處。

上堂昨日有人面前打筋斗。○我向君家尋自家，
今日有人背後作問訊。○自家先得君家，似親非親。

○君家不說自家事，似疎非疎。○見了君家見自家，
你等諸人作麼生辨別。○君子勞心，小人勞力。

冬至小參僧問覲面相見不在多端，龍蛇易辨，衲子
難瞞。如何是衲子端的眼？師云：禾山鼓雪峯，毬進云
機輪轉處，作者猶迷。師云：切忌上頭上面進。云：記得
慈明今日出榜書，三圓九卦云：若人會得不離四威。

儀中意在那裏？師云：頂上無骨，領下有鬚。進云：首座
一見云：和尚今晚放參，又作麼生？師云：阿誰知此節？
進云：千峰勢到嶽邊止，萬派聲歸海上消。便禮拜，師
云：好領取著。

乃云：徧界不曾藏處。○體露畫蛇添足，覆藏牛羊失

角。方是時人難躡避時節。○譬如見西施，何必識姓
名，然後知美。恰似半夜放烏鷄。○錯錯說似一物，即

不中。左之右之，向甚處辨明。○善易者，不論易，直得

陰去陽來，雪寒冰冷。○直下是何用，損己命。吾家大
用觸處繁興。○丈夫面上傳紅粉，豈敢逐洞山圖熱。

開底之狂解 ○無妻潤戶松偕老不稅山畦黍旅生

雖然如是諸人且道貴其耳孰與貴其眼 ○耳底泉聲眼前山色卓拄杖一下

次日上堂否極 ○天地不交之課人口不圓之象泰來 ○天地交泰之課小往大來之象坎去 ○船涉重灘之課外虛中實之象離到 ○飛禽在網之課大明

當天之象底事彼彼一齊用得最妙 ○任手拈來著著親譬如驪龍捲海水來作一遍膏雨蕪荒旱只有

無陰陽之地少人踏著 ○三千世界海中漚一切賢聖如電拂者裡佛祖乞命可貴特有兩朝國師倒著

草鞋橫三豎四如何門前李四婆不橫點頭在忽然

踏著不妨和雪踏泥 ○黃絹幼婦外孫齏白

謝秉拂上堂了臨濟賓主句子 ○乞兒亦不顧底破漆桶續香巖瀑布重吟 ○瘦馬亦不食底蔓葛藤看

來他是曠蕩 ○更有一箇也有巴鼻 ○或如張婆耳也有來由 ○又似李母眉且一代藏教之中 ○止止

舍利弗還有者箇時節麼 ○每日作是念卓拄杖云我現寶塔當為證明 ○此經難持若暫持者我即歡喜諸佛亦然

上堂僧問學人見山不言山見水不言水時如何師

云二步可易五步應難進云和尚只恁麼何異諸方
師云頑石尾礫聞之必汗進云一句不進兩句不退
有誰等閑籠罩我來師云汨梁下尾生奚言抱道士
進云若不是遇老師幾乎賺過一生便禮拜師云直
饒實與麼放過即不可

乃云一滴水一滴凍 ○木人亦寒毛卓豎佛祖乞命

曹溪路上少相逢 ○謂甚麼曹溪亦相逢不得 寒山

拍掌 ○將謂胡鬚赤 拾得笑 ○更有赤鬚胡 南山燒

炭北山紅 ○我於往昔節節支解時 擊拂子下座

佛成道上堂僧問菩薩今夜成道號之名如來只如

見明星未審明什麼邊事師云清寥寥白的的進云

莫是他一翳在眼空花亂墜麼師云娘生幾箇舌頭

進云學人若向此去和尚還許也無師云山僧不如

拄杖進云因甚肯昔日不肯今日師云只為兩頭走

進云若無此語爭辨老子端的師云我被你辨倒進

云心不負人面無慙色便禮拜師云古今惟多

乃云澄月映徹眾星燦朗 ○拗折山形拄杖子從來

大地黑漫漫明頭來也明頭打暗頭來也暗頭打箇

中無釋迦阿誰當成道卓拄杖云 ○將謂有釋迦彌

勒又作麼生 屎上更加尖 ○退後退後

上堂臘雪連天白。○賞勸百寒風逼戶寒。○罰

懲衆失却口不問你。○養子之緣拈得鼻孔來看。○

有例攀例如無人拈得擊拂子云。○貴買賤賣忽然

撞著來時路始覺從前被眼瞞。○遠水難救近火遠

親不如近鄰。

除夜小參僧問舊年送不去新歲迎不來新舊本無

情去來豈可擬師云我且愛你向下闕頭上行進云

記得僧問香林萬頃荒田是誰為主林云看看臘月

盡意旨作麼生師云鐵券難分付進云來日定是大

年朝有何祥瑞師云家家爆竹處處燒錢

乃云日日日東出。○昨夜三更失却牛。日日日西入

○今朝天明失却火。下出下入自循環。○我有無陰

陽地。逗到臘月三十日。○全無者箇消息。村裏打祭

鬼鼓。○聞見覺知非一一。山塢唱樂神歌。○山河不

在鏡中觀。人人帶淳素之風。○農有餘粟。箇箇稱大

平之時。○婦有餘布。况衲僧家。○有甚長處。半夜見

日頭。○殘羹餽飯果然。阿誰辨新舊。○鬼家活計。只

管大坐當軒。○棺木裏瞠眼。眼眼相照分歲。○向言

有甚長處果然。雖然荒涼不烹鳳髓。○古佛舊家風

可貴可惶。其中清味勝他金鑾。○苦飲者死。何故擊

拂子云雪寒北嶺梅香南枝 ○香餌聚魚兒酒展呼
揮揮

復舉雪竇拈拄杖云 ○此老漢平生語句聳峻不愧
稱韶右之孫只惜不知烹魚煩則碎治民煩則散底

頭上是天脚下是地眼前綠水背靠青山衲僧道我
會也忽騎驢入爾鼻孔裏牽牛入爾眼睛中又作麼
生商量 ○將謂有多少奇特事騎驢入鼻孔裡底驅

鳥童亦知何足舉起只惜魚碎民散 師云當年若有
入出眾喚老和尚待雪竇才擡頭道更詣函丈便歸
眾去直饒以方投規自然函蓋相應 ○烹魚煩則魚

碎治民煩則民散

正且上堂僧問元正啓祚萬物咸新好箇時節願聞
法要師云相逢共賀萬年慶進云喚作新年頭事耶
亦是自已消息師云一有種種二無兩般進云與麼
則大德播四海龍寶滿一天便禮拜師云闔國咸知
乃云日暖風和鳥啼花笑 ○殺入刀活人劍大機與
大用繁興於家家何也 ○執捉運奔誰欠少用繁興
甚用 卓拄杖云月建首寅斗柄指戌 ○民之所欲天
必從之民之所惡天必誅之

元宵雪下上堂拈拄杖卓一下云一燈百千燈 ○離

婁不辨正色○明暗雙雙底時節○勘破了也 又卓一

下云百千燈一燈○那箇男兒摸壁行○夜深共看千

巖雪○勘破了也 所以道有時前照後用有時後用

前照有時照用同時有時照用不同時○我者裏不

要者般閑家具子乞兒亦不顧底破漆椀 又卓一下

云且道是照是用各各自辨別○破草鞋拋向湖邊

著○

上堂龍寶無伎倆○將謂有多少伎倆 只是不喪目

前機○剗好肉生瘡 忽得水消雪霽自然見梅腮柳

面竒○好一金羹 喚之以作禪道佛法○一顆鼠糞

處處春山應聽子規參○齊桓公好味而易牙烹其

首子而餌之虞君好寶而晉獻公以璧馬釣之

佛涅槃上堂僧問世尊云我若謂滅度非我弟子我

若謂不滅度亦非弟子畢竟如何領略去也師云醉

後即當愁殺人僧云與麼則莫今日即有明日即無

麼師云知恩者少負恩者多僧提起坐具云學人只

喚者箇作世尊和尚喚者箇為是有為復是無師云

狗銜赦書

乃云釋迦老子於竒花茂葉之中○面前露堂堂何

處著竒花茂葉 藏得唯一堅密身○密身現處花葉

隱花葉現處密身隱名之為涅槃真常樂 ○直下即

是用真常為什麼若人向一榮一枯處相見 ○一榮

一枯有何過謬我愛一榮一枯上何如波旬舞袖長

○一段風光盡不成譬如翻錦機背面共是花 雖然

迦葉豈不是偷羅國人乎 ○蛺蝶飛來過牆去却疑

春色在隣家

佛誕生上堂毘嵐園中 ○吹毛截不入 無憂樹下 ○

輪鎚擊不開 傘蓮生地丘墟平坦 ○淨飯王宮人一

場懔懔 因甚天台山高華頂峰低 ○有酒食時兄弟

千箇在急難之時半箇亦無 會得我今灌沐諸如來

○解打鼓 不會淨智莊嚴功德聚 ○解打鼓 擊拂子

下座

結夏小參二千年前靈山百萬大衆 ○凡聖同居龍

蛇混雜 見地只為解打野樾 ○甚滅人威光 世尊拈

出一箇膠盆子箇箇刺腦打入 ○兒不嫌母醜父攘

羊而子證之 澄瀘身心成熟慧身 ○吾大覺調御終

不作者般去就若釋迦老子有甚麼憑據 謂之禁足

護生剋期取證 ○歷良成賤 二千年後中華扶桑類

例攀來彌繁彌昌 ○字經三寫為焉成馬 而觀時之

所卜嫌杓頭窄擇炊巾廣 ○衣架飯囊 自古自今遐

邇自別

○蓋將自其變者而觀之則天地曾不能以一瞬自其不變者而觀之則物與我皆無盡也 龍寶

英傑之徒九夏道聚之義 ○又是雲居羅漢自屎不

覺臭雖恰似勺水豢龍自是有一件透不過事不同

小小 ○有何鐔鑼錘子快下將來 纔進前退後墮坑

落壑 ○勘破了也 且道是那一件事卓拄杖一下

復舉洞山因僧問寒暑到來如何回避 ○將謂衆生

苦更有苦衆生 山云何不向無寒暑處去 ○老婆更

親切齧飯餵嬰兒 僧云如何是無寒暑處 ○者破草

鞋縱問得十成到死無了日 山云寒時寒殺闍梨熱

時熱殺闍梨 ○一句合頭語萬劫繫驢橛 師云洞山

老漢小慈妨大慈 ○甚減人威光 若是德山臨濟門

下終不可認驢鞍橋作阿爺下領 ○作麼生是無寒

暑處

次日上堂僧問猿抱子歸青嶂後鳥銜花落碧巖前

伊有結制安居底道理也無師云豈不見道以太圓

覺為我伽藍進云恁麼則頭頭是圓覺伽藍物物即

平等性智師云直饒與麼去作鈴磬之子進云記得

雲門垂語云十五日已前不問你十五日已後道將

一句來意旨作麼生師云半幅全封進云正當十五

日請師垂指示師云月白風清進云只如道日日是
好日莫有坐斷千差底麼師云韶陽得你不隨風規
進云此是古人爲人處不涉古今如何商量師云八
十翁翁拄杖行進云千峰勢到嶽邊止萬派聲歸海
上消便禮拜師云親會始得

乃云龍寶有百味珍羞 ○殘羹餽飯狗亦不顧縱美
食不中飽人喫尋常不敢拈出之 ○伏乞和尚休拈

出今日方是結制須布施諸人去 ○有何鐺鑼鎚子
請藏櫃廩之 以之爲休糧方以願九旬空踈 ○彼空

踈底懸勝和尚供養 喝一喝 ○果然云切忌崑崙吞

○惡政流於民螟蟲生於野

謝秉拂夏齋上堂天有三光 ○甚新鮮 其明高遠以
被群機 ○天何言哉四時行焉 地有五味 ○甚明白

其德廣大以保萬有 ○地何言哉百物生焉 諸人要
知其功所歸麼 ○和尚大智能了知一切我輩實所

不及也 良久云禾山打鼓雪峰輓毬 ○向不聞言和
尚大智能了知一切

上堂僧問目前無法門外車馬鬧浩浩意在目前屋
頭松竹冷青青師云時節難逢進云記得雲門示衆

云拄杖子化爲龍吞却乾坤了也山河大地何處得

來意在那裏師云莫教皴皴鱗鱗進云已吞却乾坤了也拄杖子為甚落在和尚手裏師云物歸有主進云昔日雲門與今日和尚相去多少師云出頭天外看誰是我般人進云始知一條拄杖兩人扶師云誣人之罪

乃拈拄杖卓一下云恁麼恁麼 ○大衆退後如空裏

打椽 ○天子見恁則修德 又卓一下云不恁麼不恁

麼 ○大衆退後似水中捉月 ○諸侯見恁則修政要

兩處收功天晴日頭出 ○珍重佛心真聖主陷入坑

子年年滿 又卓一下

重午上堂僧問文殊令善財採藥財云盡大地無不是藥者此意如何師云崑崙嚼生鐵僧云善財拈一莖草度與文殊云此藥亦能殺人亦能活人拈驗在那裏師云黃蘗樹上生木蜜僧云學人通身是病作麼生醫師云病得須愈僧云直饒與麼猶隨在圓覺四病作麼生得獨脫無依去師云早知你不能病得僧云快哉快哉今朝天中節時清道泰門安戶靜師云許你一句相當去

乃云今日端午節 ○和尚事生也 諸人直須明得明德 ○在止於至善知止而後有定 消殞天行百恠 ○定

而後能靜切忌靜處死坐見靜焉

除却佛病祖病○

那一病何處安著只者無病大病佛手不能醫治他

蓋只是所以妖不勝德○靈光分明輝大千神鬼何

處著手脚

且道如何是明德○聖主必待賢臣而弘

功業俊士亦俟明主以顯其德

擊拂子云歸依佛法

僧○歸依佛兩足尊歸依法離欲尊歸依僧眾中尊

半夏上堂僧問九旬已過半雲山翠色淡現成公案

無處回避此景此時願聞法要師云放你三十棒進

云古人有一則因緣許學人咨參也無師云佛不奪

眾生願進云臨濟因半夏上黃檗見和尚看經濟云

我將謂是箇人元來是噉黑豆老和尚意旨作麼生
師云水上推胡蘆子進云濟住數日乃辭去磔云汝
破夏來不終夏去未審如何辨端的師云殷勤送別
瀟湘岸進云濟云某甲暫來禮拜和尚磔遂打趂令
去是什麼心行師云令不虛行進云濟行數里疑此
事却回終夏意在那裏師云古今能有幾人進云一
人在途中不離家舍一人在家舍不離途中是甚麼
道理師云鐵牛擎出黃金角進云與麼則達磨不來
東土二祖不行西天師云能知者須能用
乃云結制已過半 ○無陰陽地荊棘參天
水牯牛鼻

孔數寸長。○家無白澤圖有如此妖性。諸人只與麼

去便知二六時中了不走作。○又是大小大走作儻

或離跂攘臂無桁楊可用參。○孝順還生孝順子忤

逆還生忤逆兒不信但看簷頭水點點滴滴不差移

上堂僧問六月十五天下毒熱一機一境盡落今時

不涉唇吻如何通津師云退後退後進云浮瓜沉李

積雪為山見成公案迥絕多端豈不是清涼世界師

云心不負人面無慙色速道速道進云黃龍有二關

語還許咨參也無師云劈開華嶽連天色進云我手

何似佛手意旨如何師云開拳作掌進云我脚何似

驢脚又作麼生師云屐齒印蒼苔進云如何是學人
生緣處師云岫巖峯頭神禹碑進云和尚一一只對
的的分明只箇三關爲一爲三師云謝你答話進云
與麼則會三成一易會一成三難師云將謂問事漢
進云恩大難酬便禮拜師云錯

乃橫拄杖云炎炎六月紛紛雪下○未是分外事九
夏寒巖雪三冬枯木花只箇好時節觀著生眼花○
巡人犯夜普州人送賊雖然如是卓拄杖云不因射

鵬手誰識李將軍○國師只有愛兒之心乏教兒之
術何故水廣則魚大君明則臣忠

七月且上堂僧問暑雲散空涼氣滴秋好箇時節願
 聞提唱師云劈腹刺心進云便恁麼去時如何師云
 車不橫推進云向上全提鐵壁銀山放開線路墮坑
 落壑牽師云且須踏頭關進云乾峰示眾云法身
 有三種病二種光一一透得始是穩坐意在那裏師
 云不喜舊路逢人進云雲門出眾云菴內人因甚不
 見菴外事又作麼生師云為已鎖者多為他鎖者少
 進云不因夜來鴈爭見海門秋便禮拜師云好看好看
 看

乃云雨洗炎威秋意清滴 ○ 點點潭心細影微冷侵

虛閣透單衣 風到梧桐擊蒙最的 ○ 破除殘暑昏蒙
 去勾引輕寒淡薄歸的的人焉度哉 ○ 頭頭上發機

物物上放光 閃電之機轟霹靂擊禪牀一拂子 ○ 山
 河大地通上孤危萬象森羅徹下嶮峻只是領下無

鬚

解夏小參僧問秋風颼颼遍界清凉時節已至其理
 自彰此節此景如何是其理師云三十年後此話大
 行進云與麼則現成公案迥絕商量師云依稀似曲
 纔堪聽進云記得僧問雲門初秋夏末前程忽有人
 問如何祇對門云太眾退後意旨作麼生師云眼裏

無筋一世貧進云僧云過在什麼處門云還我九十
日飯錢來意在那裏師云對牛彈琴進云恁麼時節
若有入問前程事和尚作麼生指示他師云一雙草
鞋兩文錢進云不行尊貴路爭踏頭上頭關便禮拜師
云且看脚下

乃云立制期滿○還我無陰陽地來殿最功齊○夏

日推水輪取證有則○印水印泥賞勞時至○印泥

印水何妨人人上朗風鳥騰○此是風力所轉終成

敗壞箇箇跨虛無神遊○又是鬼家活計張果費長

族終是林下塵踏著不瞋○有氣死人築著不礙○

衣架飯囊棺木裏瞠眼好箇道伴誰不交肩○求朋

須勝己似我不如無雖然如是○不可向虛空裏釘

撮去出門三步○脚跟下泥深三尺撞著箇十字街

頭無向背底○又是鬼家活計澄潭不許蒼龍蟠不知

將那箇一句子辨得他端的○用辨什麼千鈞弩不

為巖鼠發機若辨不得○什麼難辨之有威音已前

辨了也問如何辨別得諦當師舉左手倒拊指曰守

屍鬼卓柱杖云勸君盡此一杯酒西出陽關無故人

○猶是杯盃殘瀝棋器餘腥然雖與麼風前腸斷趙

如意錦繡帳中有呂后

復舉大隨因僧問金鴈附書爲什麼不露翼○虎頭戴角出荒草袖裏金鎚劈面來隨云不通虛信○似

虎多雙角如牛欠鼻巴○天鑑無私誰知遠烟浪別有好思量師拈云大隨古佛○天鑑無

淺蝕淡者禍大○日蝕治及乎打鎖扣枷恐無此作○蝕薄者禍

德月蝕治刑○蝕薄者禍若有人問山僧金鴈附書爲什麼不露

翼○同天下之利者得天下擅天下之利者失天下

只對他道勘破了也○李斯狗枷相如犢鼻且道與

古人是同是別○不因射鵰手誰識李將軍具眼禪

流請辨緇素看

次日上堂僧問衲僧家牙如劍樹眼似銅鈴四月十五結他不得七月十五解他不得畢竟如何指南一路師云謝答話進云恁麼則西天此土草鞋底日月星辰拄杖頭師云人心似等閑進云記得翠巖示衆云一夏爲兄弟東語西話看翠巖眉毛在麼此意如何師云迫想化下有人進云保福云作賊人心虛還

端的也無師云豈不信道進云長慶云生也試委悉

看師云淨手裝香進云雲門云關如何透得師云泊

乎鎖斷進云此三大老各出隻手扶樹翠巖用處莫

止一般麼師云官差不自由進云虛堂老子道只解

同心不能同志又作麼生師云吉凶不上卦進云寶山今夏與兄弟東語西話眉毛拄梵天與翠巖相去多少師云嶽秀靈芝異進云一句迥超千聖外松蘿不與月輪齊便禮拜師云嘆

乃橫拄杖云○仁者見之謂之仁智者見之謂之智有佛處不得住○東家杓柄長○西

家杓柄短○卓拄杖一下云莫孤負趙州老漢○喜則濫賞無功○不然靜處娑婆訶○怒則濫殺無罪

上堂卓拄杖云若識得者箇○若真正舉揚去○三世諸佛呵之○法堂草淺一丈若不識得者箇○若向

下舉揚去歷代祖師叱之○山門下寸草不生何也

風從八月涼靠拄杖下座○蕙帳空今夜鶴怨山人去兮曉猿驚

仲秋上堂拈拄杖卓一下云昨夜十四有此月○一切有為法今宵十五有此月○如夢幻泡影昨夜世

人嫌此月○如露亦如電此月以猶有所缺○應作如是觀今宵世人賞此月○若以色見我此月以圓

無所缺○以音聲求我此月無有圓缺心○是人行邪道世人將圓缺分別○不能見如來分別取相不

能泯○空手把鋤頭隨造隨作自生滅○步行騎水

牛二若要得遠離ス生滅ス○人自橋上過ス無相光中須休ス

歌ス○橋流水不流ス且道無相光中作麼生休歇ス○山

花開似錦澗水湛如藍ス擲下拄杖下座ス○勘破了也

上堂塞鴈度翠微ス○和盤托出夜明珠ス巖葉落庭際ス

○丹青畫不成ス幾回老瞿曇為償脚頭債ス○一種此

聲無限意有堪聞有不堪聞ス雖然沒交涉ス○能縱能

奪能殺能活ス更有人眼裏著須彌去在ス○翡翠踏翻荷葉雨

重陽謝海崖義上堂ス○三人證龜成鼈ス九日東籬下ス

○我常住於此ス菊花賞酒仙ス○常說法教化無數億ス

衆生ス汨羅獨醒者ス○為導衆生故ス過在求英賢ス○方

便現ス涅槃ス何故豈止麒麟登海嶼ス○醍醐毒藥一時ス

行ス須知義出自豐年擊拂子一下ス○西天四七東土ス

二三只傳此些子ス

開爐上堂舉瀉山問仰山ス○巖下風生虎弄兒ス終日ス

向火為甚無暖氣ス○父為子隱子為父隱ス仰山作向ス

火勢ス○見過師正堪傳授ス師云瀉仰父子不妨冷處ス

著把火ス○飛鳥盡良弓藏ス寶山門下只要箇箇暖氣ス

相洽ス○誰家竈裏火無烟ス何故拈起死柴頭且向無ス

烟火ス○狡兔死走狗烹ス

上堂拈拄杖云彌勒真彌勒ス○不彫復不刻ス分身千ス

百億

○不塑還裝

卓拄杖云時時示時人

○人繪

繪不成

時人自不識

○賊偷偷不得

靠拄杖下座○

一鉢千家飯

十一月且謝英都寺上堂寒風匝地

○天地蓋覆不

盡寒鴈橫空

○日月照臨不到

辨玉正按

○海神知

貴不知價

磨磚旁提

○瓦礫生光真金失色

頭頭都

顯露

○明明百草頭

物物總現成

○明明祖師意

何

故蓋是英靈衲子

○誰是不英靈底

只為向事上見

○死鼠周人之玉璞山雞楚國之鳳凰

因雪上堂少林立鰲山坐

○牛飲水為乳蛇飲水為

毒為相逢不相知

○水不洗水

趙老卧

○仁者言仁

龐公指

○智者言智

只要知而故犯

○失錢遭罪

若

是我這裡

○有什麼長處

直饒銀椀裏盛將來

○眼

高看不到黃金

也是老鼠引生薑

○寧可為雞只誓

莫為牛後參

冬至小參僧問冬至前後砂飛石走頭頭合轍處處

逢原學人上來請師指的師云觀機無改路進云與

麼則石笋抽枝鐵樹生花師云大家好看進云只如

諸方今夜堆盤滿釘是同是別師云黃金自有黃金

價進云德山小參不答話有問話者三十棒此意如

何師云你若來得棒頭有眼進云趙州小參要答話
有問話者致將一問來又作麼生師云不是冤家不
聚頭進云和尚小參要答話不要答話師云不是與
人難共聚進云畢竟二大老用處與和尚用處莫止
一般麼師云莫粘作一堆進云學人今夜小出大遇
便禮拜師云好去好去

乃云六爻既窮 ○牛頭沒馬頭回 陰魔自殄 ○法輪
常轉

一陽來復吾道大亨 ○不來復已前又作麼生

直得釋迦老子鼻孔遼天 ○釋迦老子即今在何處

樓至如來脚踏地 ○味來復已前樓至如來脚踏

踏著何處 驀忽相逢 ○何日有相別離 合掌擊拳互

相慶賀道 ○吹毛截不入輪鎚擊不開 亞歲令節萬

物重新 ○者裏無新舊何處著萬物 未徹者徹 ○若

言徹丈夫面上傳紅粉若言不徹跛兔頭邊尋角 未

到者到 ○見走到何處 伏惟人人起居萬福 ○若添

得萬物似龜背挾毛 大眾若聽得者箇說話青色光

明雲 ○眼中無翳空裏無花 若舉得者箇說話 ○三

千里外莫錯舉 白色光明雲 ○亦是捏目強生花 且

道兩處俱通底又作麼生 ○兩頭共截斷一劍倚天

寒擊拂子云來日定是書雲節 ○蜀犬惟白吳牛恐

月

復舉僧問雲門如何是法身 ○角婢紅羅纈關奴紫

錦裳門云六不收 ○秤鎚落井 拈云諸人一向與麼

領相逢不出手 ○一箇者如子房燒棧道一箇者似

武侯敷八陣 其或未然前頭更有雪在 ○何故勁松

彰於歲寒貞臣見於國危

次日上堂拈拄杖云只箇片田地 ○墮入坑子年年

滿四時不消長 ○金龍不守於寒潭 古今為如此 ○

玉兔豈栖於蟾影 今古一陽生卓拄杖一下 ○無所

有月波澄有所無風浪起

因雪上堂諸人未來者裏 ○大抵還他肌骨好解打

鼓記得山僧為人句子 ○不塗紅粉自風流解打鼓

及乎到來者裏 ○墨悲絲染解打鼓 問著箇箇忘却

○詩讚羔羊 因甚如此良久云只因雪上加霜

上堂巖竇宵寒擁山幙 ○紫羅帳裏撒真珠 月高枯

木霜禽睡 ○談笑半中有鴆毒 明覺雖是為一代之

龍門 ○行行且駐 爭奈坐在無事甲裏何也 ○避驄

馬御史 良久云臘月苦寒風雪吹 ○齊婢含冤三

不雨 急急抽身已是遲 ○雞行下獄六月飛霜

除夜小參僧問新底不知舊底已往舊底不知新底

已來新舊不相知，物物正對偶，還端的也無師云三
 十三天二十八宿進云如向爆竹未鳴已前更開一
 條活路，又作麼生師云山門頭合掌進云如何是轉
 身處師云佛殿裏燒香進云昔日北禪烹露地白牛
 分歲和尚今夜將什麼與諸人分歲師云細嚼似蜜甘進
 云恁麼則大眾飽德去也便禮拜師云也好傘毛獅子
 乃云舊年今夜去，○遊者如斯夫不舍晝夜
 是舊曆日，○盈虛者如彼而卒莫消長
 ○一回拈出，一回新，來來齊是新鮮年，○池凍東頭
 風渡解，窻梅北面雪封寒，交頭結尾，○針頭削鐵路

股割肉，家家生涯是別，○借婆裙子拜婆年，因緣時

節，○我見燈明佛本光，瑞如此，處處大用現前，○在

手執捉在足，運奔，便見龍寶山頂，○湘南潭北，仰之

無際，○天上天下唯我獨尊，大德門下，○南天台北

五臺，瞻之無限，○盡大地沙門，一隻眼，豈啻乎時清

道泰，○削圓方竹杖，自然得和氣，靄然，○鞞却紫茸

○正當恁麼時，與諸人保愛底，一句作麼生道，○無

病著艾，不是好，心，擊拂子，云臘雪連天白，春風逼戶

寒，○切忌崑崙吞，何故蒸梨出，妻，曾參孝慈

復舉香林因僧問，○言猶在耳，萬頃荒田是誰為主

○唱拍相隨 林云看看臘月盡 ○握左手咬中指山

僧不然 ○明眼衲子會不得月移花影上欄干 若有

久致此問來只對他道 ○獨掌不浪鳴 太坐當軒 ○

鳩羽落水魚鼈死 且道與古人是同是別 ○又是小

賣弄 具眼禪流請分緇素 ○君子不責人

歲且上堂僧問鏡清因僧問新年頭還有佛法也無

清云有此意如何師云天高萬象正進云明教又答

無有優劣也無師云海濶百川朝進云僧云如何是

新年頭佛法清云元正啓祚萬物咸新如何委悉師

云南地竹北地木進云鏡清道有明教道無和尚又

作麼生師云有意氣時添意氣得風流處也風流

乃拈拄杖云鳳曆開元日 ○如是體 王春肇始時 ○

如是力 祥雲翻空 ○如是果 瑞雪滿地 ○如是因 發

揮佛祖大機 ○如是性 成熟人天性命 ○如是報 諸

人盡是此中人 ○如是本末究竟等 不妨隨物作主

○錯 隨處納祐 ○果然 卓拄杖一下 ○點

上元上堂僧問人間燈天上月有明有暗有圓有缺

請師端的師云萬里一條鐵進云龍潭吹滅紙燭德

山大悟未審見處在明中在暗中師云狗咬赦書進

云與麼則發光輝去也師云阿誰不承恩

鬼子國語卷二

○點

乃云、乃朵朵放金蓮。○捏目強生花、似向虛空裡釘撮。

重重懸珠網。○莫眼花、金屑雖貴、落眼成翳。紙撚無

油底、莫鑿壁偷光。○誰家無明月、清風然、雖與麼蕪

蕪織迴文、樂昌分破鏡。擊拂子下座。○此老著何死

急。

佛涅槃上堂、僧問、謂滅非弟子、謂不滅非弟子、如何

見得、為佛弟子、師云、杜鵑啼處、花狼藉、進云、今日、則

有明日、則無今日、既道有向何處、見世尊、師云、一任

問、山僧進云、與麼、則明日何無師、云、不妨、答、阿你進

云、四眾各啼泣、雲門為甚麼、道打殺師、云、為狗守其

主進云、愛之欲其生、惡之欲其死、和尚又作麼、生師

云、常用其機、進云、恩大難酬、便禮拜、師云、吽

乃云、擲出雙趺。○家無白婢、圖有如此、妖怪、或如張

婆耳、又似李母眉、如日明。○黑如漆、大地黑漫漫、人

間天上詎藏鞞。○天地蓋覆不盡、日月照臨不到、時

流若具波旬眼。○明窓下安排、象角雖多、一麟足

舞袖猶須在、柳梢喝一喝、下座。○息耕云、東海兒孫

日轉多、何圖突出、者般惡毒奇怪、瞎老漢、惱害吾、扶桑

六十州、參徒。

三月半遊山、回謝首座維那并龍翔塔主。○已所不

欲勿施於人鐵釘飯木扎羹無你下紫處上堂舉長

沙一日遊山歸門首○神頭鬼面鳥背魚腮大妖怪

老漢鬼亦不好看面首座問和尚什麼處去來○問

取打何用處此漢必中鬼魅毒去在沙云遊山來○

面上夾竹桃花肚裏參天荆棘座云到什麼處來○

癡子鰥形而觸蜂窠沙云始隨芳草去又逐落花回

○暗裏放毒箭鴉羽落水魚鼈死座云大似春意○

果然喪身失命又不知沙云也勝秋露滴芙蓉○第

二抄惡水驀面潑師云奇哉恠哉兩口一舌○將謂

胡鬚赤更有赤鬚胡山僧數日來遊山回來首座不

必要問○廣南蠻道什麼山僧不必誣他○童壽光

統族亦無眼翻譯流支真諦輩如聾如啞不是無其

卜意○抄卜何用只慎綱令有人○事應如此何故

為祥為瑞○勘破了也龍驟鳳翔○再犯不容

上堂豎起拂子云西天四七○當門不用栽荆棘東

土二三○後代兒孫惹著衣盡向龍寶拂子頭上打

筋斗○恠力亂神是衲僧家尋常茶飯諸人還見麼

○眼高看不到黃金若也見得不妨雨中見杲日○

殘羹餽飯其若未然擊拂子云○面赤不如語直德

山羅漢○者老漢若是無後語使兒孫其類有大

佛誕生上堂僧問老胡今日出母胎未審本來面目
 聾師云東山西嶺青僧云恁麼則雨洗風磨自鮮新
 一盆香水為誰潑師云將此滾心奉塵刹是則名為
 報佛恩僧云世尊下生牽枝引蔓如何是直截根源
 一句師云薰風自南來殿閣生微涼僧提起坐具云
 爭柰有者箇師云有則有到你無僧放下坐具云還
 端的也無師云三十年後面熱汗出

乃云黃金讓采 ○破漆桶堪做何用擊碎了也 琉璃
 凝翠 ○者般破臭襪掘土滾埋 龍寶手裏有杓柄 ○

破草鞋拋向湖邊著

不同當日温凉水擊拂子一下

○點石石亦可裂

結夏小參僧問聲前一句不隨常機禁足護生當圖
 何事師云鳳非竹實而不食非醴泉而不飲進云西
 天蠟人冰東土鐵彈子束之高閣和尚今夏一百二
 十日以何為驗師云僧堂裏佛殿前進云望見資福
 刹竿便回脚跟下好與三十此意如何師云車不橫
 推進云望見雪峰便參主事又作麼生師云庭禽養
 勇終待驚人進云畢竟還有結制安居底時節麼師
 云鐵丸無縫罅進云和尚今日小參為守舊規別有

新條耶師云崑崙劈不開

乃云怛薩阿竭有廣大規範

○十力調御遺教誰敢輕忽尊信讚嘆信受奉行况大德開祖寶訓所恨舌

根欠兩莖筋二千年前為百萬鳳毛○前三三後三

三九聖同居龍蛇混雜後代兒孫○忘却三十棒不

忘基本力之以呈箇添器○盡是名稱普聞逮得已

利無減他威光好苟得其人則○有甚長處待來痛

與三頓不踞圓覺伽藍○者裡須三二十年莫動著

動著三十棒不恭平等性智○自今身到佛身須信

受奉行手碎鐵山○將謂有多少奇特事三日皺眉

竈下盲婢亦須了知

足跨巨海

○豈是分外事切忌

三千里外向他舉畫格外玄機○飢來喫飯困來睡

呼猫叱狗用格外什麼用衲僧作畧未為分外○若

是衲僧作畧實是分外事若也有箇孜孜兢兢底漢

○朴實頭人實是難得長期一百二十日內眼眸不

謾開○三生六十劫又是鬼家活計脚板不謾踏○

畫地為牢底依什底脚跟下紅絲線不斷以阡陌為

井塹○恰是羊公鶴寶所在近以聚落為茅坑○更

進一步函蓋相應○無有不相應底物麼方圓相投

○無有不投合底物麼乃是列剎攸撰○蒼天蒼天

吾門優曹也

○苦哉佛佗耶

敢問諸人此兩種禪和

○此兩箇步驟一箇如執子曲一箇似冬瓜直點檢

看來君子可八

那箇親

○親亦滿面慚惶

那箇踈

踈亦滿面慚惶

擊拂子云道著

○鷄子過新羅

道不

著 ○獼猴撥水月

且於三條椽下摸索

○可使剪狗

追瞎兔莫教蝸牛耕石田

復舉雲門因僧問如何是清淨法身

○泥團土塊

門

云花藥欄

○約臂黃金寬一寸逢人猶道不相思

僧

云便恁麼去時如何

○隨後婁敷咬人屎撮不是好

狗門云金毛獅子

○袖裏金鎚劈面來

師云者僧若

是作禮而去

○莫逼生蠶縱令驛驢捉鼠則不及跛

貓兒如此僧則放食堂好捉飯

須見雲門出入全機

○又是養子之緣

雖然如是黃金自有黃金價終不

和沙賣與人

○水浸泥彈丸

次日上堂僧問竺土老子恐他害命為渠結制謂之

禁足豈非箇一著弄巧成拙師云鳳林叱之進云須

彌那畔大洋海底一時走徧當有此漢出來和尚如

何教他制禁師云且坐喫茶進云記得雪峯領眾到

浮江問云欲寄二百僧過夏得否浮江以拄杖畫一

畫云著不得還端的也無師云冤家結得進云一畫

底聲師云舌頭拖地進云著不得又作麼生師云勞力不少進云有人道寄二百眾過夏未審和尚容他也無師云莫向淨地上扇進云如何是和尙一句子師云退後退後

乃云衲僧家氣宇如玉 ○若是真正衲僧氣宇不如王

主 祖佛俱不容 ○豈其佛祖哉衲僧亦不容 今朝因

甚坐在二千年前影子裏 ○不風流處也風流聖人不凝滯於物而能與世推移

卓拄杖云鑿池不待月

○十年歸不得 池成月自來 ○忘却來時路土牛耕

石田未有得稱日

端午上堂拈拄杖云文殊要藥 ○釣鰲時下下圈學

善財採藥 ○非羆非熊 雖通其機 ○打鼓弄琵琶相

逢兩會家 爭似我者裏箇箇大安樂 ○那病著何

處良醫之門病者愈甚 卓拄杖云切忌求無病藥靠

拄杖下座 ○幽州猶自可尤苦是江南

上堂得之而蹉過 ○東家杓柄長似虎多雙角如牛

欠鼻巴執子曲彎彎 不得之而不及 ○西家杓柄短

前不構杜後不迭店冬瓜直僮侗 雖然如是三十年

後此語大行始得 ○大小大國師漏逗不少按牛頭

喫草 以拂子擊禪牀下座 ○無視猶有草裏坐

半夏上堂今朝相逢等閑問過

○問過且置如何得

勘過出身安脫體言難

人人解道今日半夏

解道今日半夏遠水難救近火遠親不如近隣

阿呵

呵阿呵呵

○笑一場哭一場拂拂笑就囚猩猩泣見

繫山僧與麼道是褒諸人

○依稀松屈曲是貶諸人

○彷彿石爛斑

卓拄杖一下云六月買松風人間恐

無價○伏屍百萬流血漂楮

上堂舉菩薩於樹下而坐

○諸佛無上妙道曠劫難

行而難忍能忍難行能行萬古榜樣

天龍八部梵釋

四王悉以歡喜於空中踊躍讚嘆

○貪看天上月失

却掌中珠向外做工夫總是癡頑漢

時第六天魔王

宮殿自然動搖心大懊惱

○不風流處也風流鴛鴦

繡出從君看莫把金針度與人

乃念言○夜明簾外

珠癡人按劍立

沙門瞿曇今在樹下端坐思惟

珠光燦爛蟾桂影婆娑

不久廣度一切

音已前度脫了

超越我境界

墻者歎作麼生是我境界眼橫鼻直有什麼所欠少

今往壞亂之

○錯錯堪笑螻蟻撼於鐵柱壞亂亦好乃

俱無量眷屬

○大眾退後箇箇大聖文殊來也

菩薩發大惡聲震動天地

○正好供養錦上鋪花又

一重 菩薩心定顏無異相 ○江碧鳥愈白山青花欲

然怡然不動不驚 ○松杉風外亂山青 猶如獅子處

鹿群 ○是法平等無有高下 於是諸魔自然散壞 ○

者龍頭蛇尾漢從頭不聚會豈有散壞 師云大眾世

尊降魔不無 ○歷良為賤何處得者消息 只是用如

來禪故其力不全 ○誣人之罪可說羅漢有三毒莫

說佛有如來禪 吾衲僧家用祖師禪降伏眾魔又作

麼生 ○有何長處家醜莫向外揚 以拂子擊禪牀一

下云看看諸魔盡膽裂道光忽超昇 ○長歌三月響
短舞萬人看

上堂至道無難 ○至道無難鬼哭神悲 唯嫌揀擇 ○

唯嫌揀擇天迴地轉 忽拈拄杖卓一下云者箇是龍

寶拄杖子 ○咄放下著是什麼繫驢橛 至道與揀擇

在什麼處 ○至道與揀擇在什麼處作麼作麼 又卓

一下云但莫憎愛洞然明白 ○但莫憎愛洞然明白

聞道愁難遣斯言謂不真

上堂世界恁麼熱 ○好箇消息熱時熱殺闍梨為什

麼看雲亭上炎威到不得 ○即今在何處湘之南潭

之北中有黃金充一國 若人識得者箇道理 ○若作

道理會白雲萬里若又識得劍去久矣 三十年後免

得一日頭白貴 ○小賣弄猶是二千年滯貨海神不識

七月旦上堂一葉落天下秋 ○一葉不落天下不秋

蘭有秀兮菊有芳 一塵起大地收時節難遇 ○盡大地

沙門一隻眼者裏無時節無一塵難提掇處轉風流

○一段風光盡不成 擊拂子下座 ○顧鑑喫

解夏小參僧問昨見垂楊綠今逢落葉黃聖制周圍

事願更聞舉揚師云有意氣時添意氣進云兄弟一

夏不犯法令來日期滿東去西行賞勞言薦又作麼

生師云家家門路通長安進云瀉山問仰山子一夏

不上來在下面作得箇什麼仰云鉏得一片畬種得

一籬粟意在那裏師云父子取火夜遊進云瀉云子

不虛過一夏意旨作麼生師云末後為初進云仰云

和尚作得箇什麼瀉云日間一食夜後一寢如何辨

端的師云兩口一舌進云仰云和尚亦不虛過一夏

道了吐舌灑師云知跪乳之禮進云瀉云子何得自

傷己命如何領略師云得而不戮進云忽有人問著

和尚今夏事又如何祇對師云徐行躡斷流水聲縱

觀寫出飛禽跡進云不因夜來鴈爭見海門秋便禮

拜

師乃云秋風吹玉管 ○欲識佛性義理當觀時節因

緣知音不住青霄之外 ○者裡無內外無中間何處

著青霄外 秋月碾冰輪光輝盡塵刹而照絕 ○無孔

鐵鎚當面擲輪鎚擊不開吹毛截不入 全放全收 ○

勘破了也 古路有誰踏著 ○古殿滾沈曉未開綠陰

空鎖舊莓苔 一擒一縱動容聲色威儀 ○不起道場

現諸威儀弄泥團漢有何限 矧亦諸人一百二十日

終不虛拈匙放筋 ○自屎不覺臭 來日期滿聖制周

圓 ○鐵火團圖盡十方期滿周圓滿面惶 各各得從

脚跟下去 ○多少開開駢駢底有何長處 不妨踢倒

須彌 ○豈是分外事 立乾滄溟 ○是何關伎倆猶是

指頭邊事 雖然如是忽若見娑竭出海龍宮震 ○虛

空消殞鐵山碎纜出頭來喪身失命 切莫誦多地夜

他 ○誰知遠煙浪別有好思量 何故抖擻多年穿破

衲襤褸一半逐雲飛 ○轉抱鉤距意買綰先揀綾

復舉翠巖夏末示眾云 ○真正惡毒瞎老漢鬼亦不

好見面 一夏已來與兄弟東說西話 ○面上夾竹排

花肚裏參天荆棘入無遠慮必有近憂 看翠巖眉毛

在麼 ○果然佛祖亦不能醫治悔不愼當初 保福云

作賊人心虛 ○此破漏逗老漢何不道認賊為子 鞞

却紫茸種

○翠巖荷出幾枚紫茸種為保福被輓却了殊不知犢鼻視亦不貯得

長慶云生也 ○替首真

正導師長慶稜古佛護惜耳朶兩皮失却當門齒車

不橫推 ○傍觀眼正寔信把黃金鑄知音 雲門云關

○阿哆哆阿波波咬嚼木馬骨飲乾石女髓正眼看來

打著前朱雀忘却後玄武况彼青龍白虎可惜許父

羊子證 ○作麼生是翠巖攘底羊聞事不真呼鐘為

三大老各雖出隻手 ○出隻手且閣出千手大悲

奈何未出翠

巖關揆子 ○謹奉賀賞唯有掌頭和尚特超出韶石

關揆子痛快他殺不如自殺 只如不落他圈櫃一句

又作麼生 ○己所不欲勿施於人 一峯雲片片雙礪

水潺潺 ○猶是翠巖圈櫃中何故不因劉毅書信第

得到洞庭湖

次日上堂僧問長期已滿布袋頭開月白風高無非

秋色師云洞房深處說私情進云學人便恁麼去時

如何師云雨過夜塘秋水淡進云與麼則直須向萬

里無寸草處去師云貪程太速進云可謂一夏不虛

度光陰師云赤土盡簸箕進云一聲雷震清颺起天

上人問知幾幾便禮拜師云何處不清涼

乃云「夏禁足安居與諸人取證」

○若有修得證得

底事須拋擲他方世界

山僧多是昏沈

○稽首精進

幢如來息耕三世龍峯第一開祖

今朝解開布袋與

諸人遨遊

○多年籠中鳥今日負雲飛

山僧渾是走

作○稽首不散金光牢剛如來東海日多第一祖所

以道佛手遮不得

○鐵面皮爺亦不知殺佛殺祖

殺生死殺涅槃

人心似等閑

○佛祖拱手不得况人

忽到村草步頭莫錯舉

○謹聞命大士慈訓豈敢輕

中秋上堂僧問靈山話月曹溪指月意旨如何師云

牛頭沒馬頭回進云寒山子底又作麼生師云崑崙

嚼生鐵進云玄沙為什麼道生死岸頭事試甄別看

師云和盤推出夜光珠進云恁麼則天上人間未出

此光影中師云莫把商音作羽音僧提起坐具云者

箇是為出光影中未出光影中耶師云扁舟已過洞

庭湖

乃云藥嶠披雲笑

○曲禮不言不苟訾不苟笑

王老

拂袖行○此是風力所轉終成敗壞

寒山不愁無口

稜○無物堪比倫敦我如何說

長沙無由私路行○

魯論不言行不由徑非公事未嘗至於偃之室也檢

點將來盡是在光影裏作活計何也 ○第五人亦在

中秋三五今宵月爽氣遠浮銀漢清 ○嫦娥竊藥出

人間藏在蟾宮不放還后羿徧尋無覓處誰知天上

亦容奸

上堂拈拄杖云 ○和尚事生也禍事禍事大小大禍

事當於色中不失色體 ○一場懺懺甚新鮮趙州依

什麼欺去鏡清於無相中不礙有 ○一場懺懺甚新

鮮誰知長沙謾却南泉故達磨師祖無端 ○一場懺

懺甚新鮮宗勝豈忘却羅提救走到東勝昇州 ○一

場懺懺甚新鮮非石霜滿肚毒爭得蘊活南匾頭必

死却還向山僧手裏藏身 ○一場懺懺甚新鮮驚起

巖頭來訪象骨諸人若見得上大人丘乙己 ○一場

懺懺甚新鮮息耕祖翁咬牙三下若見不得化三千

七十士 ○一場懺懺甚新鮮南浦大士聞得云蒼天

蒼天何故唯知途路遠不覺亦黄昏卓拄杖一下 ○

你小生八九子可作仁可知禮也

重陽上堂今朝重九節 ○遊翠鼓中者必可死之地

也欲識佛性義理當觀時節因緣東籬菊已花 ○却

覺寒毛卓豎階入坑子年年滿對景思陶令 ○為彼

五斗米折腰老翁那登高憶孟嘉 ○非是風前落帽

惹傍觀笑學士哉 且道其中意又作麼生 ○出入五

根妨礙道情底者歟 擊拂子云相逢共賞紫萸茶 ○

盡謂龍寶大士說平等無事無孔竅底禪來妨他後

昆悟門殊不知魯酒薄而邯鄲圍

上堂空手把鋤頭 ○將謂有什麼長處看來三生六

十劫閨閣 步行騎水牛 ○人言有多少奇特點檢四

果三賢寶所傳大士用盡平生伎倆 ○厭良為賤甚

減人威光 只道得胡兒無鬚底句 ○莫謂胡兒無鬚

可恐羅睺照命 山僧不曾要按牛頭喫草 ○國有憲

章三千條罪 莫教巖葉霜飛秋意淡 ○猶是按牛頭

喫草底何故 淡林漏月寒猿叫 舊巢受風宿鶴鳴

開爐上堂舉趙州示眾云三十年前南方火爐頭有

箇無賓主話直至而今無人舉著 ○此老若留得此

語照後昆見何好趙州是則是可惜大蟲無齒 師云

咄 ○又是雲居羅漢 你只要炙手助熱 ○若又上衲

僧秤子秤一箇重半斤一箇重八兩 誰家竈裏火無

烟 ○龍寶大士末後大有工夫殊不知水獸吼逐捧

爐卓拄杖一下

上堂是法住法位 ○尊重讚嘆恭敬供養印空印水

印泥 世間相常住 ○信受奉行如說修行印泥印水

印空 驀拈拄杖卓一下云 ○兩頭三面者箇是龍寶

拄杖 ○又被風吹別調中 喚作是法入地獄如箭 ○

唯恨聽慈訓遲昨日有僧既作是法了相救相救喚

不作是法亦入地獄如箭 ○唯恨聽慈訓遲今朝有

僧誓不作是法相救相救 是故世尊苦口便道得住

法位三字 ○危哉世尊若不道得住法位三字大有

事在 雖然如是又卓拄杖一下云 ○唯願說之唯願

說之 寒風凋敗葉且喜故人歸 ○聲聲不可聽使以

愁思多

冬至小參僧問群陰剝盡一陽復生正與麼時衲僧

如何轉身師云鐵輪碎石進云陰陽代謝四序變遷

且致只如卦文未分風塵未動時又如何師云萬里

一條鐵進云恁麼則一氣不言含有象萬靈何處謝

無私便禮拜師云逢人莫錯舉

乃云有物先天地 ○又是渾沌氏眉 鐵鎚擊不碎 ○

南海之帝為儻 無象本寂寥 ○北海之帝為忽 夜合

晝開 儻與忽時相與遇 能為萬象主 ○堂堂而慶賀

來 擁之而不聚 ○善來四君子 不逐四時凋 ○茲謝

遠來 撥之而不散 ○來坐吾明窓下 恁麼恁麼 ○吾

廬空踈而雪嶺泥牛吼 ○無可克供養 不恁麼不恁

麼 ○壁間幸 雲門木馬嘶 ○有鱗鱗皴皴底物 金不

博金 ○掛在年于茲 水不洗水 ○以待諸君來且置

書雲令節 ○各與七八頓 箇箇保愛 ○貶向無佛世

界 順時納祐底 一句又作麼生 ○何故 擊拂子云律

管知處繡紋線長 ○刑罰民之寒暑也 教令民之風

雨也

復舉僧問古德如何是冬來事 ○眾生顛倒迷已逐

物 德云京師出大黃 ○祇為著破裙喫他殘 楚楚 師

拈云巖竇宵寒擁山幘 ○今朝對孤影 月高枯木霜

禽睡 ○不覺淚雙懸 寶山著此兩句 ○又是雲居羅

漢鼻孔遼天 為賓竭力 ○始知和尚為賓竭力為主

竭力 ○始知和尚為主 竭力 具眼禪和請辨端的 ○

十五日已前為賓竭力 十五日已後為主 竭力 點檢

看來白鶴含苦挑

次日上堂時臨亞歲節屈書雲 ○群陰剥盡一陽生

此道地雷復又是行者峻崖撒手絕後再蕪底時

節 一氣不言鐵樹開花 ○理盡詞窮伎亦窮 鳳雛金

網鶴脫籠 初又無象萬景盡彰 ○既是本來無一物

何處惹萬氣 正與麼時活脫衲僧如何受用去 ○若

是明眼衲僧不喫者般茶飯卓拄杖一下云一冬與

二冬相逢不出手。○溪溪絕無樵子語陰崖却有獵人過是則是唯是可惜許。

祐德禪寺佛堂供養陞座師拈香云此香非從天所生。○初知者箇非從天所生。○非是實

從地生。○非從虛空所生。○誰即不知非從虛空

生。○從檀主信心生。○檀主信心復從何處生。作麼

生。是檀主信心將是似藥店者歟。根苗蟠大明之表

○不知大明還何處蟠。屈條幹茂至陽之清。○殊不

知日月星辰陰陽造化總自者箇出生來。熟向爐中

仰祝。帝道遐昌。○今上皇帝聖躬萬歲萬歲。俯祈

香花敷榮。○彈指散花是緣因。種隨聞一句是了因。種九有心者是正。因種

師就座云聲前領旨已犯祖令。句後承當法不相饒

不涉二途。莫有解問底麼。僧問甘蔗流苗應剎塵覺

場高發利生。因師云誰不承恩。進云卓犖雄機隨處

無阻。古今肯重事請師不恡一句。師云騎一問來。進

云直下構得更。不回頭亦作麼。生師云寶杖夜鳴寒

嶠。月進云昔日須達建獨園精舍。屈世尊為群生說

法。今日檀越造祐德禪寺。請和尚為四眾演法。其益

還有優劣也。無師云無有優劣。進云今日檀越造此

禪苑與昔日須達建彼梵刹其功又有多少也無師云無有多少進云正法末法時異佛法僧法名殊為甚其功得等同麼師云洞中山色四時好雲外溪聲一樣寒進云與麼則生生頂奉輝心鏡廓照塵勞信有餘便禮拜師云也何妨

乃云千聖靈機 ○者裏不容千聖到江吳地盡隔岸越山多列祖命脉 ○何處著列祖平原秋樹色沙麓暮鐘聲嶺上白雲巖前綠水 ○唯知途路遠不覺又黃昏夫居離婦州婦住思夫懸寄語明月樓莫貯雙飛燕亘古亘今 ○鐵壁鐵壁號之為佛常在苦海中

立 透色騎聲 ○紫藤露底殘花色翠竹烟中暮鳥聲

清寥寥白的的 ○好肉上剜瘡 難提掇處轉是風流

○放下著當何破砂盆 迄于德山行棒 ○勘破了也

縱棒如雨點賊過後張弓 臨濟行喝 ○勘破了也縱

喝似雷奔劍去久矣 雪峰靦毬 ○勘破了也勞而無

功 禾山打鼓 ○勘破了也東山下左邊底齊是恁麼

時節 ○金鑰不辨奴郎不分若上衲僧秤子秤一箇

重八斤一箇重八兩 只露目前些子 ○何日有蓋覆

却誰請借師手露出 所以山僧歷山渡水得得而來

開堂演法 ○謹謝開堂演法 為大檀信開運添德增

壽增福

○風吹柳絮毛毬走雨打梨花蚊蝶飛亦不

出者箇

○金屑眼中翳衣珠法上塵且道畢竟其功

歸何處

○臨崖見虎臨危推入不是好心擊拂子云

國清才子貴家富小兒嬌叙謝不錄○吳王好劍客

百姓多癩瘡楚王好細腰宮中多餓死

又云至道曠遠

○甚新鮮始聞者裡有廣狹恠哉曠

也千頃歟萬頃歟將又千萬頃歟恠哉遠也千里歟

萬里歟將又千萬里歟

幽致虛凝○佛祖不識面赤

不如語直

佛佛以之匡持○荷葉團團圍於鏡祖祖以

之保護

○菱角尖尖尖似錐其要只在利度群有○

風吹柳絮毛毬走

隨處作主○雨打梨花蚊蝶飛脫

體現成

○畫蛇添足隨物能轉○鴨卵歟彈丸歟似胡

蘆子物歟

苟得其人則匪啻自得靈然○虛空消殞

鐵山碎作麼生是其人

為慈悲動於中○稽首南無

觀世音

隨順菩薩行願○眾生無邊誓願度煩惱無

盡誓願斷法門無量誓願學佛道無上誓願成

豁開

本有光明藏

○本有光明藏何人得鎖斷輪鎚擊不

開吹毛截不入

販濟五趣之貧兒○我皆令入無餘

涅槃而滅度之如是滅度無量無數無邊眾生實無

眾生得滅度者

高低普應○應以宰官身得度者即

現宰官身而為說法前後無虧 ○應以婦女身得度

者即現婦女身而為說法遇緣即宗 ○如鐘在槩無

滯一隅 ○似鏡當臺所以大檀越具廣大知見 ○如

何是廣大知見祇為著破裙喫他殘楚麤有堅固信

力 ○只者堅固信力世間希有真寶運出自己家珍

○放下著當何臭皮襪拋擲占波國裏著建立奇麗

禪苑 ○梁武帝問達磨大師朕建寺度僧却有功德

麼又否磨曰無功德安置佛僧 ○如何是佛即今何

處安著 紹隆法寶 ○伏惟珍重 丁于五濁惡世中人

無至信時 ○即今何處者裏不著生死涅槃呼什麼

為五濁惡世發無比之大願 ○願待來年蠶麥熟羅

睺羅兒與一錢成見聞之巨益 ○聞見覺知非一一

山河不在鏡中觀能為鈴磬之依託 ○是什麼繫驢

橛若有依託轉是鈴磬最作漂沈之要津 ○盡大地

是沙門一隻眼何處著漂沈者裏非所以假船筏涉

者何用要津以所集功課 ○泥團土塊聚得縱如彌

樓山去不直半文錢酬二親之幽靈 ○豈其二親哉

若卵生若胎生若濕生若化生若有色若無色若有

相若無相我皆令入無餘涅槃薦蓮開於上品 ○者

裏是什麼處豈有九品遠請山僧來贊揚其功德

○贊之者，拔舌泥梨護之者，洋銅沸屎，若論其功德。

山果青猿摘，池魚白鷺銜。山僧未開口，已前其功廣。

施其德，偉被。○隈牆弄胡蝶，臨水擲蝦蟆。羅袖盛梅

子，金篦挑筍牙。矧亦雪裏巒，山以儼淨刹之勝境。

削圓方竹杖，風拂寒木而唱念法之妙音。○靴却紫

茸，檀。正當與麼時，箇箇無盡。○直下是不盡，乾坤燈外

燈。刹刹塵塵悉是展，無量壽佛之慈顏。○不是心不

是佛，不是物，要無量壽何用，無量壽慈顏何日，有縮

却，不可說不可說。○直下是無邊，風月眼中，眼頭頭

物物現，信心不二之全體。○信心全體何日，有隱藏

浪捧鴛鴦兒，波搖鷓鴣子。一心多心。○阿耶剎好皮

生，瘡。一劫多劫。○分開亦好，七花八裂。圓三身四智

○家無白澤圖，羯帝羯帝波羅羯帝。偏八解六通。○

有如此妖，恠波羅僧，羯帝菩提娑婆訶。五眼融通無

處而不鑑。○一隻眼又須瞎，却况他五眼吾者，裡不

要者般，閑家具。十力滿足無邪而不摧。○十力面前

無邪正，更推伏者，什麼然。雖與麼玄沙道底，具足一

切攝受菩提。○未是為分外事，見性大士那箇無者

消息。智智清淨無別無斷。○風吹不入雨洒不著黃

金鑄出鐵崑崙，深入大陀羅尼妙門。○出無門入無

戶四方八面絕遮攔萬象森羅等漏泄住大不可思議境界○纔住著即是毒海有佛處住不得無佛處

急須走過有如是作用如是奇特如是威光如是吉祥○拈了也夢幻空華何勞把捉山河大地草木叢

林情與無情因中與果上○不屬因不假緣鐵丸無縫罅無高無下○脫體現成何處有高下發大機大

用○在手執捉在足運奔發大用何用得大安大樂○亦未是分外事諸人要見此事麼○瞎竹有上下

節松無古今青○大小大兩朝國師打許多葛藤末後只道得一半何故倉米既赫赤不貸人斗升

舉世尊初成道○大道寥寥無敗處金軀夜半者何成寒雲籠雪夕陽重山月照梅夜色清於普光寶殿

不離道樹○空舍空水投水上須彌山頂帝釋宮○不起道場現諸威儀非是分外事帝釋化作一寶坊

○盡大地是箇寶場莫眼花為說十住法門○十力調御師伏惟萬福師拈云世尊半夜日頭出○到江

吳地盡帝釋日午打三更○隔岸越山多若是山僧開堂底天平地平○好箇衲僧開堂如萬仞龍門黑

雲鎖所恨紙袴瓦為禪到頭凍餓殺卓拄杖一下便下座

上堂拈拄杖云拄杖子有三件長處

○咄者破爛柴

有什麼長處不如拗折為洗足湯下薪

第一疾程朝

到西天暮歸東土

○果然遲八刻向言有什麼長處

第二妙言一句截流萬機復削

○豈是分外臭皮襪

破漆桶各是一句截流萬機復削

第三巧通變作龍

上天為蛇入草

○破犢鼻任手拈來捕玃猛虎戴角

大蟲豈是分外事

若人善識得還我話頭來○若人

善識得滿面漸惶無物堪比倫教我如何說

佛成道上堂僧問我佛弃萬乘尊榮受六年饑凍忽
觀明星豁然成道未審成何道師云鼻孔掛上唇僧

云世尊說法大梵天王以金色波羅花獻此意如何

師云報恩須是還知恩人僧云世尊拈起顯示大眾

惟有迦葉尊者破顏微笑意旨作麼生師云二虎爭

時其勢不生僧云世尊云吾有正法眼藏分付摩訶

大迦葉又作麼生師云說向愁人愁殺人僧云今日

和尚說法有人獻花未審如何顯示師云也爭何不

得破顏人

乃云坐吉祥之座○作麼生是吉祥座死水何曾振

古風切要覓木樵子換眼睛○又是萬古榜樣及乎

見明星果然將錯就錯○日月吞光乾坤失色燈籠

跳入露柱佛殿走出山門從此起定賣弄大地○攬

長河成酥酪變荆棘作梅檀林山僧直得暗地裏點

頭○欲知山上路須是去來人諸禪德你如解點頭

底取次不敢肯牛畔之供○龍寶山頂開榛祖至下

片言如怒雷擊石壁鵠林即不然諸禪德若解點頭

同器受牛畔之供何故寧為雞只無為牛後

因雪上堂譬如大地一片雪○大地黑漫漫見底謂

之白○黑漆桶裏盛墨汁踏底謂之冷○脚下泥濘

三尺鑊湯爐炭三萬丈只如不見不踏底又作麼生

道○觸髅前見鬼溪山古廟裏無轉智大王以拂子

擊禪牀一下

除夜小參僧問一年三百六十日交頭結尾別有生

涯如何得大用現前師云頂上無骨領下有鬚進云

北禪今夜烹露地白牛分歲檢點將來正是殘盃冷

肉和尚將什麼施設大眾師云大家在這裏進云三

陽交泰萬彙亨定是來年蚕麥熟便禮拜師云不妨

道著乃云年窮歲盡○烏龜上壁我者裡無者箇消息道

什麼結角羅紋木馬飛上天泥牛走入海○好箇時

節虛空消殞鐵山摧白衣拜相誰管陰陽變化氣候

遷謝

○宇宙無雙日乾坤只一人天上天下唯我獨

尊

大底鼻孔向下垂多年曆日不相干○頭枕天台

脚踏南嶽只可自怡悅不堪持贈君所以道日日是

好日時時是好時

○羯帝羯帝波羅羯帝

交頭結尾

別有生涯擊拂子云天淨不知雲去處地寒留得雪

多時○波羅僧羯帝菩提娑婆訶

正且上堂僧問元正啓祚萬物咸新衲僧門下有何

祥瑞師云方袍圓頂進云與麼則年年是好年日日

是好日爲什麼還得有新有舊師云一回拈出一回

新進云可謂堯風舜日和氣霽然樵唱漁歌共樂豐

年便禮拜師云方知你是識其言

乃云日暖風和百花競發○若把西湖比西施淡粧

濃抹兩相宜人傑地靈色足可觀○白玉琢成西子

骨黃金鑄就伍員心且道其中慶賀事作麼生卓拄

杖○伏惟堂頭和尚萬福伏惟箇箇道體起居萬福

○第二重公案

元宵上堂我見燈明佛本光瑞如此○月連前涯與

後巷茶呼南舍與北隣婦搖機軋軋兒弄口啾啾秋

天曠野行人斷馬首西來知是誰眼中瞳子面前人

○水底金烏天上日寶山未曾說會與不會○伏乞

和尚言 箇箇莫向燈影裏轉身擊拂子下座 ○巡人犯夜

佛涅槃上堂不許無邊身之供 ○約臂黃金寬一寸

逢人猶道不相思却覺寒毛卓豎麼

喫工巧之和羅

飯 ○幽州猶自可尤苦是河南

胡亂賣峭非知其時

○吾黨之直者異於是父為子隱子為父隱

鳴伊鳴

伊 ○愁人莫向愁人說說向愁人愁殺人

年年二月

是仲春 ○二桃殺三士誰能為此謀相國齊晏子

三月且上堂甘草先生苦草後生 ○天鑑無私君有

政德則天降之以禎祥 好蚕麥熟天平地平 ○只聽

堯民擊壤歌民之所欲天必從之民之所惡天必誅

之 忽有此漢出來道和尚與麼說話為是佛法是世

法耶 ○仁者見之謂之仁智者見之謂之智衲僧見

之將道什麼

山僧向他揶揄道三月無三卯田家必

飽 ○一穀不登徹鷄鷄二穀不升徹鳧鴈

上堂春山青春水綠 ○五千四十八卷却有恁麼說

話麼陣雲橫海上拔劍攬龍門

不是目前機亦非目

前事 ○一槌兩當恁麼亦不得恁麼亦不得恁麼

不恁麼總不得

且道畢竟是什麼 ○手把琵琶半遮

面不令人見轉風流

擊拂子云常憶江南二月裏鷓鴣

鴟啼處百花香。○罕逢穿耳客，多遇刻舟人。珊瑚枕，
上兩行淚，半是思君半恨君。

槐安國語卷二終

